




REPUBLIKA E KOSOVES-REPUBLIKA KOSOVA-REPUBLIC OF KOSOVO
 AGJENCIA KUNDER KORRUPSIONIT
 AGENCIJA PROTIV KORUPCIJE
 ANTI-CORRUPTION AGENCY

Dep. Dep. 2-D/DPK
 Nr. Prot. Br.Prot. 01-4009/14
 Prot.No.
 Nr. l faq. Data Datum
 Broj stranica Date 07-11-2014
 Nr. pages 04



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5) të Ligjit nr. 03/L-159 për Agjencinë kundër Korrupsionit, nenit 18 (paragrafi 4, 8 dhe 12) të Ligjit nr. 04/L-051 për parandalimin e konfliktit të interesit në ushtrimin e funksionit publik, si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 04.11.2014, mori:

V E N D I M

I. Ekziston konflikti i interesit në rastin nr. AKK-03-3327/14, për z.Behar Rama. Z.Rama ka pas konflikt “rast për rast” të interesit, gjatë ushtrimit të funksionit të tij publik, Drejtor i Drejtorisë së Arsimit në Kuvendin Komunal të Rahovecit dhe Anëtar (Kryetar) i Komisionit për vlersimin e kandidatëve, e që ka të bëjë me krijimin e marrdhënjes së punës – “mësimdhënës”.

II. Meqense për konfliktin e interesit “rast për rast” gjatë ushtrimit të funksionit publik të zyrtarit të lartë Behar Rama, është vërtetuar se, ndërkohë, ka nisë të zhvillohet procedurë penale në Prokurorinë Themelore – Gjakovë, Agjencia kundër Korrupsionit e mbyllë këtë rast.

III. Të gjitha vendimet që i nxjerr Agjencia lidhur me konfliktin e interesit bëhen publike në ueb faqen zyrtare të Agjencisë.

A r s y e t i m

Meqense për konfliktin e interesit “rast për rast” gjatë ushtrimit të funksionit publik të zyrtarit të lartë Behar Rama, është vërtetuar se, ndërkohë, ka nisë të zhvillohet procedurë penale në Prokurorinë Themelore – Gjakovë, Agjencia kundër Korrupsionit e mbyllë këtë rast.

Ushtrimi i funksioneve publike nënkupton që zyrtarët e lartë nuk duhet të lejojnë që interesat e tyre private të bien në konflikt me funksionet e tyre. Ata duhet të shmangun konfliktin e interesit, pavarisht nëse ai është real (faktik) apo i mundshëm.

Në bazë të kërkesës së bërë në Agjencinë kundër Korrupsionit, me numër protokoli të AKK-së DPKI-03-3007/14, për inicim të procedurës, se a ka konflikt interesi në ushtrimin e funksionit publik të Drejtorit të Drejtorisë së Arsimit të Komunës së Rahovecit duke qenë edhe Kryetar i Komisionit, e që pastaj për pranim në punë do të rekomandoj kandidatët me të cilët Drejtori i DKA-së dhe njëkohësisht Kryetari i Komisionit për përzgjedhjen e kandidatëve ka lidhje familjare, do të përgjigjemi në vazhdim, krejt duke u bazuar në Ligjin për Parandalimin e konflikti të interesit në ushtrimin e funksionit publik.

Se *çka është konflikti i interesit* është përkufizuar në nenin 6 të Ligjit për Parandalimin e konflikti të interesit në ushtrimin e funksionit publik, si vijon :

“Konflikti i interesit është gjendja e mospajtimit ndërmjet detyrës publike dhe interesit privat të zyrtarit të lartë, kur ai ka interesa private të drejtëpërdrejta ose të tërthorta, personale ose pasurore, të cilat ndikojnë, ose duket sikur ndikojnë në ligjshmërinë, transparencën, objektivitetin dhe paanësinë e tij gjatë ushtrimit të funksionit publik”.

Në rastin tuaj konkret ka konflikt interesi “rast pas rasti”, që ka ndodhur gjatë procesit të selektimit, intervistimit, vlerësimit dhe rekomandimit të kandidatëve për pranim në punë në pozitën mësimdhënës për lëndë të caktuara në Shkollën e Mesme të Lartë Profesionale “Selajdin Mullabazi – Mici” dhe në SHML”Xhelal Hajda – Toni” Rahovec.

Me Ligjin për Parandalimin e konfliktit të interesit në ushtrimin e funksionit publik çështja e deklaramit të konfliktit të interesit “rast pas rasti” është obligim ligjor i zyrtarëve të lartë që është e rregulluar në nenin 13 (paragrafi 1,2,3) i cili shprehimisht thotë:

1. Çdo zyrtar i lartë gjatë ushtrimit të funksionit të tij publikë, në bazë të njohurive të tij dhe në mirëbesim, detyrohet që të bëjë vet deklaramin paraprak, rast për rast, të ekzistencës së interesit të tij private lidhur me vendimmarrjen në një çështje të caktuar, që mund të bëhen shkak për lindjen e një konflikti të interesit.

2. Deklarimi rast për rast i interesave private bëhet çdo herë nga zyrtari i lartë, kur kjo kërkohet nga eprori ose nga institucioni mbikëqyrës. Deklarimi si rregull duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa me shpejt që të jetë e mundur.

3. Vetë deklarimi si rregull bëhet me shkrim, kur zyrtari i lartë përfshihet në një vendimmarrje për ndonjë çështje të caktuar.

Po ashtu me po të njejtin ligj, te Parimet e veprimit dhe mos veprimit të zyrtarit thuhet: “Zyrtari i lartë nuk duhet të lejoj që interesit e tij private të bien në konflikt me funksionin e tij. Ai duhet të shmangë konfliktin e interesit pavarësisht nëse ai është real, apo i mundshëm (Neni 7 paragrafi 8 i Ligjit Nr. 04/L-051).

Ndërsa te ato që konsiderohen si Veprime të ndaluara për zyrtarin e lartë në Ligjin për Parandalimin e Konflikti të interesit në ushtrimin e funksionit publik, gjatë ushtrimit të funksionit publik zyrtarit të lartë ndër të tjera i ndalohen këto veprime:

1.7. të shfrytëzojë informatat e besueshme që i ka në dispozicion apo të marra në mirëbesim në ushtrimin e funksionit për përfitime personale apo për përfitime të personave të afërt apo te besueshëm;

1.8 të ndikojë në vendimmarrje të organeve legislative, gjyqësore apo ekzekutive duke shfrytëzuar pozitën e zyrtarit më qëllim të përfitimit personal apo të personave të afërt apo te besueshëm;

1.9. të ndërmarr veprime të cilat në ndonjë mënyrë do t'i përshtaten interesit personal të tij apo interesit të personave të afërt apo te besueshëm;

1.10. të ndërmarr veprime të cilat në ndonjë mënyrë do t'i përshtaten apo do të favorizonin interesin privat të ndonjë personi tjetër në dëm të interesit publik.

Zyrtari i lartë, z. Behar Rama në momentin kur ka kuptuar se në mesin e kandidatëve ka edhe familjar të tij (mbesat) është dashtë që të deklaroj konfliktin e interesit dhe të tërhiqet nga Komisioni i vlerësimit, ndërsa organi mbikqyrës është dashtë që atë ta zavendësoj me një Anëtar/e tjetër.

Përndryshe, përbërja e Komisioneve për zgjedhjen e personelit arsimor gjithmonë duhet të jetë në përputhje të plotë me Udhëzimin Administrativ numër 17/2009 të Ministrisë së Arsimit, Shkencës e Teknologjisë (MASHT), i cili rregullon Procedurat e zgjedhjes së personelit arsimor në shkollë.

Këto janë fakte të mjaftueshme që dëshmojnë se gjatë procesit të rekrutimit të punonjësve të rinjë për pozitën "mësimdhënës" për lëndë të caktuara, ka pas konflikt interesi të Kryetarit të Komisionit për zgjedhjen e mesimdhënësëve, në raport me kandidatet; Edvina Rama dhe Shqiperane Oruqi.

II. Gjatë zhvillimit të procedurës për mbledhjen e të dhënave, kemi kuptuar se i njëjti rast është duke u hetuar nga Prokuroria Themelore – Gjakovë.

Bazuar në këtë, Agjencia i është drejtuar Prokurorisë Themelore në Gjakovë me kërkesë për konfirmim dhe nga e njëjta ka marrë përgjigje pozitive.

Duke pasur parasysh përgjigjen e Prokurorisë Themelore të Gjakovës, në pajtim me nenin 5 (paragrafi 1, pika 1.1) të Ligjit nr. 03/L-159 për AKK-në, Agjencia kundër Korrupsion mbyll rastin.

Andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Hasan Preteni
Drejtore i Agjencisë kundër Korrupsionit

